



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XVIII. Die Markgrafen Otto, Conrad und Johann vereignen dem Kloster
Bernstein das Dorf Clausdorf, am 13. September 1301.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

XVII. Markgraf Albrecht schenkt dem Kloster Bernstein das Dorf Nypoltzke,
am 2. Juni 1300.

In nomine domini amen. Nos Albertus, Dei gratia Marchio Brandenburgensis, Recognoscimus et in publicam noticiam cupimus deuenire singulorum, quod de bonis nostris a Deo nobis collatis cultum diuinum ampliare cupientes, ad laudem Ihesu Christi eiusdemque matris Marie virginis perpetue, ad salutem quoque animarum nostre videlicet ac progenitorum, filiorum, heredum ac successorum nostrorum, celebem vitam sanctimonialium in Berensten, ordinis Cysterciensis, inspicientes, villam nostram Nypoltzke cum omnibus suis attinentiis, scilicet agris, siluis, aquis, paludibus, pratis, pascuis, molendinis constructis pariterque construendis, ac omnibus suis prouentibus, cum omni iure temporali et spiritali, sicut eam habuimus, sine omni precaria, ecclesie earundem pure donauimus propter Deum iusto libertatis ac proprietatis titulo perpetuo possidendam. Vt autem nostra donatio inuiolabiliter obseruetur, presentem paginam conscribi fecimus et munimine nostri sigilli roborare. Testes huius sunt frater Wilhelmus, Hermannus plebanus in Oberan prepositus in Soldyn, Albertus de Bruncow, Bruno Capellanus noster et alii quam plurimi fidedigni. Datum et Actum Quarzan, anno domini M^o. CCC^o. feria quinta in festo pentecostes, Temporibus Herardi prepositi sanctimonialium predictorum.

Nach von Dreger's Abschrift des Originals.

XVIII. Die Markgrafen Otto, Conrad und Johann vereignen dem Kloster Bernstein das Dorf
Clausdorf, am 13. September 1301.

In nomine sancte et indiuidue trinitatis amen. Nos Otto, Conradus et Johannes, de Brandenborch et Landesberch marchiones, omnibus in perpetuum. Quoniam labilis est hominum memoria et obliuioni dedita, necesse est ut ea, que sunt in tempore, ne simul labantur cum tempore et obliuioni tradantur et fiant irrita et annihilata, voce testium et literarum testimonio perhennentur. Nos autem hoc attendentes, et illud malum negligentie seu obliuionis omnino precauere volentes, Recognoscimus tenore presentium publice protestantes, Quod dominabus siue sanctimonialibus in claustro Bernsteyn, Deo ibidem seruientibus, ob Dei remunerationem, qui nullum bonum irremuneratum dimittit, et in animarum nostrarum remedium singulare villam Clausdorp et proprietatem ipsius ville cum omni iure, cum omnibus iudiciis summis et infimis, cum omnibus attinentiis seu pertinentibus ad eandem, cum omnibus agris cultis et incultis, cum pratis et pascuis, cum omnibus lignis et siluis, cum omnibus stagnis, riuis et riualis, cum omnibus molendinis constructis et construendis, simpliciter cum omni vtilitate, quam sibi infra metas hucusque habitas poterunt ordinare, ab omni etiam exactione siue precaria et angaria et ab omnibus quibuscunque seruiciis liberam et exemptam, donauimus perpetuo possidendam. Vt ergo ista omnia a nobis et a posteris nostris rata et firma et inuiolabiliter obseruentur, presentes dedimus sigillorum

noſtrorum munimine roboratos. Teſtes hujus facti et rei ſunt: Dominus Szhulitz et frater ejus Ludolfus, milites de Wedell, Dominus Romulo, Dominus Hinricus de Morchin, Dominus Haſſo de Glambeck aduocatus noſter, Vlricus de Bilrebecke, Heydenricus de Gytow et alii quam plures fidedigni. Acta ſunt hec anno domini M°. CCC°. I°. in Vredebergh, in vigilia exaltationis ſancte crucis.

Nach von Dreger's Abſchrift des Originales.

XIX. Die Markgrafen Otto, Conrad und Johann nehmen das Kloſter Bernſtein in ihren Schutz, am 29. März 1303.

Nos Otto, Conradus et Johannes, Dei gratia Brandenburgensēs et de Landesberg Marchiones, Recognoscimus tenore presentium publice protestantes, quod cenobium sanctimonialium in Bernſtein cum omnibus bonis eorum in protectionem nostram recepimus et tutelam, Mandantes omnibus nostris aduocatis, officialibus ceterisque omnibus pro nobis facere seu dimittere quicumque volentibus, ne quisquam in bonis eorundem ipsos presumat in aliquo molestare, sed potius promouere debent dictum monasterium in omnibus suis negociis ac agendis: nam si aliquis secus facere presumeret, quod abſit, hic nostram indignationem se sciat veraciter incurſurum. In cujus rei euidenciam pleniorē presentem literam scribi iussimus, noſtrorum sigillorum muniminibus roboratam. Datum Grimmenice, anno domini M°. CCC°. III°. feria sexta ante diem Palmarum, per manum Hinrici de Herckeke.

Nach von Dreger's Abſchrift des Originales.

XX. Markgraf Woldemar verleiht die Güter, womit sein Vetter Hermann den Henning Toyte belehnt hat, demselben und Albert von Golancz zu gesamnter Hand, am 9. März 1310.

Nouerint vniuersi et ſinguli tenorem presentium inspecturi, Quod nos Woldemarus, Dei gratia Brandenburgensis, Lufacie et de Landesberg marchio tutorque incliti Johannis de Brandenburg marchionis, vniuersa et ſingula bona, que Henningus, Toyte dictus, a nostro patruo Hermanno hucusque in feodo habuit et possedit, eidem scilicet Henningo, Toyte dicto, et Alberto, de Golancz dicto, et eorum veris heredibus contulimus conjuncta manu iusto feudali titulo possidenda pariter et habenda pacifice et quiete. In cujus rei testimonium prefens scriptum dedimus nostri sigilli munimine firmiter roboratum, presentibus testibus ydoneis Wiperto de Barboy, Henningo et Siffrido de Winningo, Henningo et Zabello de

Sauptth. I. Bd. XVIII.